



ҚАРОР

2010 yil "28" Iyvar

89-Q sonli

Samarqand tumani

Самарқанд тумани

Тумандаги «Боғибаланд» қишлоқ фуқаролар йиғини «Мотрид» маҳалласида яшовчи фуқаро Шарипова Мавлудага тегишли уй-жойининг бир қисмини турар жой тоифасидан нотурар жой тоифасига ўтказиш ҳақида

Тумандаги «Боғибаланд» қишлоқ фуқаролар йиғини «Мотрид» маҳалласида яшовчи фуқаро Шарипова Мавлуда туман ҳокими номига ариза билан мурожаат қилиб, туман ҳокимининг 2002 йил 5 феврал 58-Қ сонли қарорига асосан унга тегишли бўлган уй жойини бир қисмини турар жой тоифасидан нотурар жой тоифасига ўтказиб беришни сўраган.

Юқоридагиларга асосан, фуқаро Шарипова Мавлудага тегишли уй-жойига таёрланган туман ер тузиш ва кучмас мулк кадастри хизмати давлат унитар корхонасининг маълумотномаси ва барча тегишли ташкилотларнинг хулосаларини, оила аъзоларининг розилик хатлари ҳамда тақдим этилган ҳужжатлар тўпламини инобатга олиб, Ўзбекистон Республикаси «Уй-жой кодекси»нинг 15-моддаси ҳамда Ўзбекистон Республикаси Вазирлар Маҳкамасининг 2003 йил 20 августдаги 357-сонли «Тадбиркорлик фаолиятини ташкил этиш учун рўйхатдан ўтказиш тартиботлари тизимини тубдан такомиллаштириш тўғрисида»ги қарори билан тасдиқланган Низомига асосан,

ҚАРОР ҚИЛАМАН:

1. Тумандаги «Боғибаланд» қишлоқ фуқаролар йиғини, «Мотрид» маҳалласида яшовчи фуқаро Шарипова Мавлудага тегишли умумий 366,24 м.кв. ер майдонида жойлашган уй-жойининг қурилиш тагидаги ер майдони 172,57 м.кв. дан иборат, шундан АЗ-литердаги 1-та яшаш хонаси ва 1-та дахлез жами: 63,78 м.кв қисми (қишлоқ хўжалик маҳсулотларини сақлаш омборхонаси сифатида фойдаланиши учун) нотурар жой тоифасига ўтказилсин.

2. Ушбу қарор қабул қилиниши муносабати билан, туман ҳокимлиги ҳузуридаги тадбиркорлик субъектларини рўйхатдан ўтказиш инспекцияси (Н.Бердиев)га, туман ер тузиш ва кўчмас мулк кадастр хизмати давлат унитар корхонаси (Т.Шаропов)га, туман давлат солиқ инспекцияси (З.Аминов)га, туман статистика бўлими (Ж.Зарипов)га ҳамда тумандаги «Боғибаланд» қишлоқ фуқаролар йиғин (Г.Каримова)ларига фуқаро Шарипова Мавлудага тегишли уй-жойни бир қисмини нотурар жой тоифаси (қишлоқ хўжалик маҳсулотларини сақлаш омборхонаси)га ўтказилиши муносабати билан ўрнатилган тартибда рўйхатга олиб, тегишли ҳужжатларини расмийлаштириш ва туман ҳокимлигига ёзма равишда маълумот тақдим этиш вазифаси топширилсин.

3. Фуқаро Шарипова Мавлуда зиммасига: а) қишлоқ хўжалик маҳсулотларини сақлаш омборхонасининг ташқи кўринишини лойиха асосида архитектура талабларига риоя қилган ҳолда бинони конструктив қисмини бузмаслик, санитария, гигиена ва ёнғин хавфсизлиги қоидаларига риоя қилиш; б) кадастр ҳужжатларини расмийлаштириш ва гувоҳномасини олиш; в) тадбиркорлик фаолияти доирасида иш олиб бориш учун амалдаги қонунларга асосан, ўрнатилган тартибда рўйхатдан ўтиб, махсус гувоҳномага биноан ўз фаолиятини олиб бориш юклансин.

4. Мазкур қарор рўйхатга олинган кундан бошлаб қонуний кучга қиради.

5. Ушбу қарор ижросини назорат қилиш туман ҳокимининг биринчи ўринбосари Б.Қодиров зиммасига юклансин.

Туман ҳокими

Б.С.Садуллаев



ҚАРОР

2010 yil "28" январ

Samarqand tumani

97- Q sonli

Масъулияти чекланган жамият шаклидаги «Ўздунробита» хорижий ишлаб чиқариш корхонасига алоҳида хона қуриш ва антенна-мачта қурилмаларини ўрнатиш учун 270 м.кв. ер майдони ажратиш ҳақида.

Самарқанд туман ҳоқимлиги ҳузуридаги ер участкаларини қишлоқ хўжалиги кооперативи (ширкат) хўжалиги, деҳқон ва фермер хўжалиқларига ва бошқа ташкилот корхоналарига ер участкаларини узоқ муддатли ижарага бериш (реализация қилиш) масалаларини кўриб чиқувчи комиссияси йиғилишининг 2010 йил 26 январдаги 4-сонли хулосаси ва масъулияти чекланган жамият шаклидаги «Ўздунробита» хорижий ишлаб чиқариш корхонасининг туман ҳоқими номига ёзган хатини инобатга олиб, Ўзбекистон Республикаси «Ер кодекси»нинг 23-моддасига асосан,

ҚАРОР ҚИЛАМАН:

1. Масъулияти чекланган жамият шаклидаги «Ўздунробита» хорижий ишлаб чиқариш корхонасига аҳолига алоқа хизматини яхшилаш ва кўпайтириш мақсадида МЧ «Меҳробод» агротехсервис агрофирмаси ер харитасининг 466 контуридаги қишлоқ хўжалигида фойдаланмайдиган туман Давлат заҳира ерлари ҳисобидан алоҳида хона қуриш ва антенна-мачта қурилмаларини ўрнатиш учун 270 м.кв. ер майдони ажратиш ҳақидаги Самарқанд туман ҳоқимлиги ҳузуридаги ер участкаларини қишлоқ хўжалиги кооперативи (ширкат) хўжалиги, деҳқон ва фермер хўжалиқларига ва бошқа ташкилот, корхоналарига ер участкаларини узоқ муддатли ижарага бериш (реализация қилиш) масалаларини кўриб чиқувчи комиссияси йиғилишининг 2010 йил 26 январдаги 4-сонли хулосаси тасдиқлансин.

2. Ушбу қарор қабул қилиниши муносабати билан 2011 йил 1 январ ҳолатига туман Давлат заҳира ерлари балансига ўзгартириш киритиш туман ер ресурслари ва Давлат кадастри бўлими (Ш.Бурхонов)га топширилсин.

3. Мазкур қарор бажарилишини назорат қилиш туман ҳоқимининг биринчи ўринбосари Б.Қодиров зиммасига юклансин.

Туман ҳоқими

Б.Садуллаев